

山西通志卷第一百四十九

山西巡撫都察院右副都御史臣覺羅石麟奉

旨修輯

列女一

自漢劉向著列女傳而載二妃之事尤詳嗣後亦多續傳至宋曾鞏序向著書之義尤精以粹朱子嘗亟稱之三晉古多淑媛又多節烈女業已傳芳竹素矣至

昭代風化彌隆恒

詔旌之以示勸視古烏頭棹楔之制尤爲優渥焉綜厥熾行夫亦以推闡西京子政北宋子固之訓指也志列女

太原府

陽曲縣

魏

許允妻阮氏阮衛尉女奇醜交禮竟允無復入理家人深以爲憂會允有客至婦令婢視之還答曰桓郎桓郎者桓範也婦云無憂桓必勸入桓果語許曰阮家旣嫁醜女與卿故當有意卿宜察之許便回入內旣見婦卽欲出婦料其此出無復入理便捉裾停之許因謂曰婦有四德卿其有幾婦曰新婦所乏惟容耳然士有百行君其有幾許曰皆備婦曰夫百行以德爲首君好色不好德何謂皆備允有慚色遂相敬重允爲吏部郎多用其鄉里魏明帝遣虎賁收之其婦出誠允曰明主可以理奪難以情求旣至允以實對釋之初允被收舉家號哭阮自若曰勿憂尋還作粟粥待頃之允至後爲司馬師所殺門生走入告其婦婦正

在機中神色不變曰早知爾爾門人欲藏其兒婦曰無預
諸兒事阮徙居墓所師遣鍾會看之若才流及父當收之
兒以咨母母曰汝等雖佳才具不多率胸懷與語便無所
憂不須極哀會止便止又可少問朝事兒從之會以狀對
卒免

晉

王渾妻鍾氏字揆潁川人魏大傅繇曾孫也父徽黃門郎揆
數歲能屬文及長聰慧宏雅博覽記籍美容止善嘯詠禮
儀法度爲中表所則揆女亦有才淑爲求賢夫時有兵家
子甚俊揆子濟欲與之白揆揆曰要令我見之濟令此兵
與羣小雜處揆自幃中察之旣而謂濟曰緋衣者非汝所
拔乎濟曰是揆曰此人才足拔萃然地寒壽促不足展其

器用不可與婚遂止其人數年果亡揆明鑒遠識皆此類也

郝氏王汝南湛婦汝南少無婚自求郝普女司空以其癡會無婚處任其意便許之旣婚果有令姿淑德生東海遂爲王氏母儀或問汝南何以知之曰嘗見井上取水舉動容止不失常未嘗忤觀以此知之

北魏

辛少雍妻王氏有德義少雍與從弟懷仁兄弟同居懷仁等事之甚謹閨門禮讓人無間言士大夫以此稱美

唐

盧姨狄梁公之爲相也有盧氏堂姨居于干橋南別堡盧有一子狄曰某今爲相表弟有何所欲願悉圖之婦曰老身

止有此子不欲其事女主狄大慙而退

五代

劉氏李克用妻天復元年朱全忠自將攻李克用其將氏叔琮朱友寧累破晉軍圍太原克用大恐李存信請奔北蕃劉氏謂克用曰聞王欲委城入蕃審乎計誰出曰存信等爲此劉曰彼牧羊奴安辦遠計王常笑王行瑜失城走而死若何倣之且王頃居遼鞞危不免必一朝棄此禍不旋踵克用悟乃止居數日散士復集夜襲友寧營汴人引去元

申氏冀寧李宏益妻至正二十年賊陷冀寧申語其夫曰君當速去勿以我相累若賊入吾室必以妾故害及君矣言訖投井死宏益旣免於難再娶安氏居二歲而宏益卒安

時年三十泣謂諸親曰女子一適人終身不改不幸夫死雖生亦何益乃竊入寢室膏沐薰裳自縊於柩側

明

李雄妻王氏雄爲太原左衛百戶洪武間歿於陣時氏年十九聞訃哀號欲絕撫孤興守節歷五十餘年士夫扁其門曰忠節

賈文遠妻楊氏夫亡事親撫孤志行無玷鄉曲賢之洪武間旌表

董榮妻郝氏少寡守節終身不渝宣德五年旌表

董三漢妻馮氏年二十一夫歿守節三十餘年宣德間旌曰貞節之門

胡源妻朱氏年二十一夫亡奉姑撫子守節二十五年正統

六年旌表

趙氏字慧寶太原右衛人適府庠生蘭景昌侍疾湯藥必親嘗所以身代俄而景昌卒遂自縊於其側時年方十八殯日二柩並衢而行見者爲出涕成化初旌表

羅氏太原左衛中所千戶張斌妾年二十生子鑑纔八月斌卒羅清操自勵訓鑑有成

鄒鑑妻董氏名貞歸鑑期年生子溥而鑑卒董四日不食決志殉夫所親勸之曰從夫義也捨舅姑棄邈孤其如孝慈何氏心動始進食旣殯終身縞素紡績以自給爲溥娶婦王氏生子慶未期溥卒王年二十有一守節如姑士夫扁曰鄒門雙節

張永相妻王氏少師恭襄公妹少聰慧嗜讀書及笄適永相

恂恂絕類貧家女未抱子勸相納妾韓氏生子多疾王親撫之五歲尙口哺及相卒延師教之王熟於尙書每口授以廣其業脫簪珥爲市書御史魏希相撰文以頌其賢李氏推官韓彰之繼妻彰先娶張生子紹繼娶氏生子絃氏慈惠遇紹有恩凡衣服飲食常加於絃絃見愠氏叱曰而有母彼無母而欲使我作蘆絮婦耶繼母之賢古今罕儷後絃登甲第兩典州郡咸謂母氏之報云

庠生王相妻武氏相亡欲自盡念三子俱幼無所依忍死撫孤歷五十餘年後子佐封河南道御史孫立賢太僕寺卿曾孫元雅遵化巡撫子孫繩繩門祚熾昌皆氏之遺澤也張鐵妻臧氏年二十三夫亡矢殉家人慰勉之弗聽乘間自縊死

郭氏字淑英頗讀書幼時聞其父鑑談節義事輒曰是在人自盡耳長適太原前衛百戶陳義義戍於邊卒喪歸啓棺浴而殮之痛絕而甦者數四勺水不入口曰吾前已約吾夫矣死則同歸不忍背也遂自縊於室

郭憲妻王氏嘉靖間北兵入犯氏被掠不屈遂遇害憲繼娶牛氏憲亡矢死散遺賁於親族不食十有四日而絕

王天倫妻鄭氏年二十三天倫亡遺幼孤二天倫弟妻朱氏亦寡相依五十年奉姑撫幼舉無違禮巡按黃疏表其雙節

生員郭應元妻彭氏通列女傳工書夫亡無子苦節以終張棟妻劉氏年二十棟故氏哀毀盡情喪葬盡禮育二孤成立享壽終

千戶潘政妻施氏寧化所人寓居陽曲政亡氏年少子幼甘貧守志子姓四世同居氏親爲撫訓孫高登進士歷官陝西布政司叅議

襲千戶潘潤妻王氏年十九潤卒讓厚產甘澹薄孀居三十餘載題請旌表

蘭州知州李鈞妻郭氏鈞故氏年二十泣曰死易立孤難吾勉爲其難者撫子天資娶婦張氏方有娠天資復卒妊男甫歲張亦亡氏百方呵保卒撫幼孫有成

朱知鰥妻杜氏通判纘宇女也知鰥家酷貧相得懽然年十九生一女知鰥卒盡鬻衣物以殮旣畢潛自縊姑救免孀居三十餘載勤十指以養姑內外稱之

錢謙益妻趙氏夫亡子在襁褓立志撫孤利用冲齡食餼卓

然自立學使給扁獎之

生員劉一龍妻張氏年二十三夫亡食貧課子艱苦萬狀子芝讀書樹立以選貢任彰德府通判

羅江四妻趙氏江四早逝守節撫孤五十餘年享壽八十餘歲

秦世登妻張氏年十九育一女秦卒矢死不二守節六十餘年題請旌表

秦世賢妻吳氏夫亡誓不他適貧無以自給氏通儒書及內典課甥與姪寄食以終老

李維翰妻胡氏翰任陝西布政司理問卒於官氏扶柩歸葬時有遺腹祝曰願天畀一子以延夫祀已果得男芳桂或以子幼不保勸之改適氏正色拒之課子誦讀登賢書官

學博尙美中傳其事

李氏太原縣人舉人中馥女適生員傅襄襄遭疾氏廢寢食期以死從襄卒家人防甚力氏陰懷杏仁吞之卽日死知縣范士楫表其節烈

薦 叅將朱國昌妻陳氏早寡守志拮据課子萬壽後登乙酉鄉

舉人劉世遠妻張氏夫卒盟心守節育子成立邑令請旌崔九德妻高氏嫠居四十六載境彌苦節彌堅事聞旌表張彥明妻劉氏夫早歿無子女有富室願娶之氏不從其兄勸之氏厲聲曰本望成我志而反出此言耶遂與之絕值歲屢歉窘甚日號泣隣媪疑其有悔心微諷之氏曰志豈有他自恨生不與夫同斃耳卒年八十餘

庠生陳見妻孔氏孀
掠其家氏罵不絕
赴井死

居二十載冰操嚼然甲申闖賊破太原
口遂遇害媳朱氏孫性福孫女長姐俱

生員裴潤妻范氏夫
抱之環泣日夜哀
聽政則誨以省刑
母節聞有旨建坊
墅城陷囑幼孫於

故悲慟欲自盡遺子希度方五齡四女
請意稍解課子登進士授堂邑令每出
卹民潔已報國秩滿封太孺人癸未以
未卽行闖逼太原氏抱幼孫避北城別
老僕投井死之

郝堯宰妻柴氏夫死
姓者引賊入氏恐
於地賊舍之不食
三日死

守志值闖寇逼城氏匿地窖中讐家楊
被污以鐵器自擊其額流血蔽體昏絕

王紘妻陳氏紘歿子

甫五歲姑樊氏哭紘幾不欲生氏忍痛

解慰曰吾誓奉姑終身以撫此子也姑得不死家無餘貲業蠶織以爲事育需歷十五載子遊庠姑尋歿氏曰吾事已畢可以下報先人矣值闖賊破城不食死

蒲縣知縣朱新甄妻張氏逆闖陷城氏被執給賊同婢取貲財氏乘間投井死

孝廉朱萬壽妻於氏闖陷太原偕羣婦走匿夾牆氏失後衆以爲必獲於賊矣及賊退得屍井中兩脇皆有刀痕寸許裹衣繩縛數匝見者嘆爲真烈婦

靜海知縣崔嗣遠妻黃氏賊攻城亟率子婦於氏女崔氏孫女全姐侍女春玉同一井死

李廷佐妻萬氏早孀已歷二十餘載城破知不免攜甥女西姐死於南杜村井

軍信校尉李時春妻任氏守節四十餘年年八十一歲闖賊入城盡驅百姓曰清街氏於紅四牌樓罵賊觸石死

舉人李桂芳妻朱氏城陷投井死幼女侍婢皆從之生員聶輝妻李氏闖寇逼投井水淺不得死寇欲出之以頭濡水死

武壘妻程氏闖破城自縊死其姪女投井死

生員秦謙妻康氏聞闖賊陷城語夫曰脫被辱何顏見君登樓自勒死

宗室朱慎錄妻郝氏貢士侯三接妻高氏生員萬福德妻周氏逆闖陷城俱投井死

劉源妻楊氏馬應龍妻李氏崔九德妻高氏藁城知縣劉世遠妻張氏俱守志節

國朝

庠生楊芳聲妻任氏年二十九夫故氏以婦代子以母兼師其他喪葬祭祀胥動無違禮孀居七十一載壽躋百齡康熙五十九年疏請建坊

賜貞壽扁額孫廷詔成雍正甲辰武進士

尙見帝妻趙氏于歸八載尙歿氏哀慟矢死翁姑諭之曰與從死孰與撫孤孤成夫不死矣氏領之勤苦操作歷五十六年課子浩領丁卯武鄉薦雍正五年具疏旌表

庠生畢景徵妻張氏夫亡遺子甫二歲氏守節撫孤歷四十年如一日士論賢之

陳功妻秦氏功甲申殉難家徒壁立氏隻身操作仰事俯育無不盡孝極慈苦節二十餘年而逝

太原左衛寧守愚妻張氏年二十三守愚故氏事孀姑育幼子內外稱賢季子纘宗以諸生從征姜瓖授餘干知縣氏封太孺人

李貞妻韓氏年二十二夫卒家素貧或勸改適韓誓不二天女紅自給壽七十六歲終

尹承忠妻凌氏夫亡守節課子有成

成仕妻馬氏布政馬諫女年十七仕亡無子女諫勗以守志立幼姪其昌爲嗣氏克遵父訓終始弗渝壽八十二而終郭應選妻張氏選失足墜井死氏年十九父母令改適氏曰夫死不忍獨生徒以翁姑與藐孤耳奚言嫁耶子甫成又卒復撫三孫備嘗艱苦壽八十餘卒

白明妻郭氏年二十餘而寡督耕撫子性好施予有餘率賙